

# **Ойнаи жаҳон ва радио орқали салом берилса...**



اللَّهُمَّ إِنِّي أَسْأَلُكَ مُغْفِرَةً لِذَنبِي كُلِّهِ

Ассалому алайкум

11:00 / 06.08.2020 5132

Ойнаи жаҳонда бериладиган аксар кўрсатувларни бошлашда, шунингдек, кўплаб эшииттиришларнинг аввалида салом бериш одат тусига кирган. Бу, албатта, яхши бир ҳолат. Шу билан бирга, ушбу саломга алик олиш лозимми ёки йўқми, деган савол туғилиши ҳам табиий. Бу ҳақда Қатардаги фатво марказининг фатвосида қуйидагиларни ўқиймиз:

«Радио, телевизор ёки интернет тармоқларидағи бирор сайтда салом сўзини эшитса, агар эфир жонли бўлса ва бир мусулмон умумий салом берса, мисол учун, олиб борувчи: «Ҳурматли тингловчилар ва томошабинлар, ассалому алайкум ва роҳматуллоҳи ва барокатуҳ», деса, у ҳолда, саломни эшитган ҳар бир кишига алик олиш вожиб бўлади, чунки у салом берилганлар жумласига киради. Аммо ушбу саломга бошқа бирорнинг алик олганини аниқ билса, вожиб соқит бўлади, чунки саломга жавоб қайтариш фарзи кифоядир.

Аммо, такоран узатилаётган кўрсатувларда бўлганидек, эфир жонли бўлмаса, ёки салом маълум бир кишиларга йўналтирилган бўлса, масалан, бугунги кундаги силсилали кинолар – сериаллар ва театрларда бўлгани каби, у ҳолда, саломга алик олиш вожиб бўлмайди, чунки бундай пайтларда тинглаётган киши назарда тутилмаган бўлади».

**Ҳасанхон Яҳё Абдулмажид**